

Didik masyarakat cintai ilmu

DALAM usaha melahirkan masyarakat berilmu, budaya membaca merupakan asas penting yang perlu diterapkan sejak kecil kerana aktiviti itu tidak pernah berakhir walaupun mereka telah menamatkan pelajaran.

Pensyarah Jabatan Pengajian Kenegaraan dan Ketamadunan, Fakulti Ekologi Manusia, Universiti Putra Malaysia, Prof. Dr. Zaid Ahmad berkata, mahasiswa sekarang tidak seperti dahulu yang banyak menghabiskan masa di dalam perpustakaan untuk membaca buku.

“Mereka (pelajar) lebih suka membaca di media sosial berkaitan isu-isu ringan dan



santai sahaja sehingga masa untuk mentelaah bahan bacaan yang lebih serius berkurangan.

“Lantas, ia menyebabkan mereka tidak dapat memberikan pandangan yang bernas dan agak dangkal apabila diajukan soalan di dalam kelas kerana kurangnya membaca buku ilmiah,” katanya ketika dihubungi *Kosmo!* baru-baru ini.

Tambahnya, perkara ini sungguh menyediakan apabila generasi berpendidikan tinggi seperti mereka yang menjadi aset negara sangat cetek ilmu.

Tegasnya, perkara ini perlu dilihat secara terperinci dan langkah-langkah ke arah pembudayaan ilmu perlu digerakkan dengan

lebih serius.

“Melihatkan situasi sekarang, saya bersetuju bahawa rakyat kurang minat membaca tetapi tidak dinafikan ada kelompok kecil mengadakan pelbagai wacana ilmu tetapi hanya segelintir yang hadir.

“Sehubungan itu, aktiviti keilmuan ini perlu disubur dan disebar seperti mewujudkan perpustakaan awam yang selesa serta ruang sosial lebih luas bagi menarik minat orang ramai meluangkan masa di situ.

“Budaya ilmu ini juga perlu diperhebatkan lagi di institusi-institusi pengajian tinggi dan ia hendaklah mempunyai daya penarik bagi menggalakkan orang ramai menghadiri program tersebut,” tuturnya.